

Eymbeke unde we twevolt, Helimestidde half tigen de anderen, Hannovere $\frac{1}{2}$, Goslere gelick. Quelibet civitas debet ponere ante Invocavit I^c florenos¹.

Umme kōste scal men id halden unde umme dat eventure², eft groter scade queme, quod apsit, wu id malker stad mogelik sy. Worden se dar schelhaftich over, des scullen disse stede de van Luneborch sceyden. Aver de Halverstadeschen stede willen hinder sek spreken unde us dat antwerde enbeden by dren daghen. Sic illi de³ Goslaria Hildensem et Hanōvere.

Ok is verramet, disser⁴ stede eyn iowelk scal an ōren heren bringen: eft se den steden dar tō helpen willen, dat de landfrede bad gehalten werde, dar welden de stede den heren gherne desten vorder denen.

Ok scullen se spreken, eft der heren eyn eder mer sik vorbinden welden mit den steden, unde eft de andern nicht enwelden.

Ok vorrameden se eynes vorbundes tō X jaren in disser wiis. Weret dat disse nascrevenen stede yemant vorunrechtgede, utesecht malkes herscop, so scolde eyn stad der anderen behulplick sin erst tō vorbiddende. Hulpe dat nicht, so scolden se alle vyent werden unde scolden malk der anderen volgen des jares⁵ werve. Unde de stede alle scullen beyde⁶ eventure stan, win unde vorlust. Unde weme se volget, wenne se in des slot kōmen, de scal ōn⁷ spise vōder unde hofslach geven unde anders nichtes, unde malk scal den synen denne vor scaden stan. Den vromen scal men delen na mantale, ane vename: dar scal me de koste tōvoren van⁸ gelden, dat ander delen also vore.

Goslere X mit glavien, Hildensem XX glavien, Helimestidde V glavien, Brunswik XXX glavien, X scutten, Halberstad et alii XL mit glavien.⁹

Aus dem Fehdebuch der Stadt Braunschweig (I, 62^a) im Stadt-Archive daselbst.

Gedruckt in den Chroniken der niedersächsischen Städte. Braunschweig. Herausgegeben von L. Hänselmann. Erster Band. (= Die Chroniken der deutschen Städte vom 14. bis in's 16. Jahrhundert. Bd. VI. Leipzig, Hirzel 1868), S. 87.

1) Quilibet (so) — florenos *nachgetragen*. — 2) *Ursprünglich*: disses gelick scolde me id halden umme dat eventure unde koste; disses — id unde koste *ausgestrichen*. — 3) de *fehlt*. — 4) disser] disse. — 5) *Raum zur Nachtragung einer Zahl*. — 6) Unde — beyde *ursprünglich*: Unde wenne se volgen so scullen se etc. — 7) *Ursprünglich*: so scal men oen. — 8) van *fehlt*. — 9) *Zur Sache vgl. die sechste Beilage von Hänselmann zum ersten Bande der Braunschweiger Chroniken*.